




SRG SSR




**STRATEGIA DA
L'UNIUN PURTADRA
SRG SSR**

VISION / MISSION / VALUES / FINAMIRAS

DECISION DA LA RADUNANZA DA DELEGADS DAL 26 D' AVRIGL 2024

1 ENGASCHI A FAVUR DAL SERVICE PUBLIC MEDIAL



La SRG SSR offerescha cun sia purschida mediala multifara d'auta qualidad ina plivalur persunala e sociala per ils umans en Svizra. En tut las quatter linguas naziunalas, per tut las regiuns dal pajais.

L'uniun purtadra e l'interpresa furman ensemen la SRG SSR. Sco organisaziun da milissa ed interpresa professiunala contribuescha mintgina sias fermezzas. Nus ans cumplettain e sustegnain vicendaivlamain sco partenarias per ademplir nossas incumbensas. L'engaschi communabel per il service public medial stat per nus en il center.

2 LA CHASA STRATEGICA



3

VISIUN, MISSIUN, VALURS

VISIUN

Sco uniun purtadra essan nus lieu d'inscunter e da barat cun il service public medial. Nus offrin il fundament per ina purschida mediala independenta d'auta qualitat, da la quala la populaziun en Svizra sa fida.

Nus promovain il bainstar general, pussibilitain la diversitad e rinforzain la coesiun sociala en la Svizra democratica ed averta.



MISSIUN

Sco uniun purtadra stain nus en il servetsch da la publicitad ed ans engaschain, per che la societad enconuschia ed apprezzeschia la valur dal service public medial independent e vardaivel. Nus defendain activamain questa valur.

Nus manain e promovain la discussiun publica ed il dialog cun la societad davart l'incumbensa, la prestaziun e l'ulteriur svilup dal service public medial.

Sco associaziun dad uniuns e cooperativas en las regiuns linguisticas sustegnain nus l'interpresa a moda activa e critic-constructiva d'ademplir il mandat da prestaziun tenor la lescha e la concessiun. Nus represchentain a medem temp ils interess da la societad.

Cun nossas incumbensas e noss projects pussibilitain nus da far part a la SRG SSR e represchentain uschia la societad en sia diversitad.

CHARTA DA VALURS DA LA SRG SSR

L'interpresa e l'uniun purtadra s'engaschan en differentas modas per las medemas valurs.

DIVERSITAD

Nus ans engaschain per ina Svizra multifara e rinforzain la convivenza e l'integraziun naziunala.

QUALITAD

Nus agin cun premura e conscienziusadad. Ils avantatgs da noss engaschi èn perceptibels e mesirabels.

INDEPENDENZA

L'indipendenza è noss pli aut bain. Nus mantegnain perquai la libertad da las medias vers anen ed anora.

RESPONSABILADAD

Nus procurain ch'ils meds finansials disponibels vegnan impundids en favur da la societad. Ultra da quai ans engaschain nus activamain per la diversitad e per l'egualitad da las schanzas en nossas structuradas.

DIALOG

Nus nizzegiain il dialog cun la societad per eruir las aspectativas da la populaziun envers il service public medial e per las reflectar cuminaivlamain. Quest dialog è la basa per ina relaziun da confidenza cun la societad e l'interpresa.

CREATIVITAD

Cun novas ideas e novs projects entusiasmain nus ils umans per il service public medial e per l'engaschi a favur da la SRG SSR.

4 LAS TRAIS PITGAS E LUR FINAMIRAS GENERALAS

CREAR CHAPIENTSCHA

Finamiras generalas:

- persvader da la necessitad dal service public medial
- defender l'indipendenza, sustegnair la vardaihladad e promover la qualitat
- crear contexts

PUSSIBILITAR LA PARTICIPAZIUN

Finamiras generalas:

- s'avrir e mussar ils avantatgs
- enonuscher ed integrar las aspectativas
- promover la creaziun da raits

VIVER L'ENGASCHI

Finamiras generalas:

- entusiasmar e persvader
- crear novas ideas
- furmar alianzas

5

FINAMIRAS GENERALAS DA LAS TRAIS PITGAS

Las finamiras da las trais pitgas furman la basa per determinar la direcziun strategica.

CREAR CHAPIENTSCHA

Persvader da la necessitad dal service public medial

Nus cumprovain che la purschida da la SRG SSR è necessaria. I sa tracta da resguardar las particularitads d'in pitschen pajais democratic quadriling.

Defender l'indipendenza, sustegnair la vardaivladad e promover la qualidad

Nus ans stentain da render anc pli enconuschenta a la populaziun la valur dal schurnalisse da qualidad independent e vardaivel – il pli aut bain da la SRG SSR.

Crear contexts

En barat cun nus augmentan nossas gruppas en mira lur savida e la chapientscha dal sistem medial.

PUSSIBILITAR LA PARTICIPAZIUN

S'avrir e mussar ils avantatgs

L'uniun purtadra represchenta l'entira societad. Nus pussibilitain a tuttas personas interessadas da far part al service public medial. Nus ans avrin envers la societad e rendain perceptibla l'utilitad da la purschida.

Enconuscher ed integrar las aspectativas

Nus surpigliain ina funcziun da relais cun lantschar discussiuns, esser conscients da las aspectativas da la societad envers il service public medial e cun mantegnair la libertad da las medias vers anen ed anora.

Promover la creaziun da raits

En barat cun auters acturs interessads creain nus raits che rinforzan la posiziun dal service public e da la SRG SSR en Svizra.

VIVER L'ENGASCHI

Entusiasmar e persvader

Nus entusiasmain vasts circuls da la societad per ils interess e las incumbensas dal service public medial. Nus essan averts e damanaivel dals umans e vegnin percepids sco instituziun averta. Noss agir ans motivescha e mussa ch'i vala la paina da s'engaschar a favur dal service public medial.

Crear novas ideas

Nus tgirain en l'uniun purtadra ina debatta viva, critica e creativa. Noss engaschi persvada ed animescha da participar. Nus vesain las grondas midadas en la societad mediana e vulain nizzegiar quellas sco schanza per nus tuts.

Furmar alianzas

Nus ans colliain cun ils circuls da la societad che s'engaschan per in service public complessiv en tut ils secturs.

Impressum

SRG SSR, Berna
srgssr.ch, info@srgssr.ch

Direcziun dal project e redacziun
secretariat central
srgssr.ch, gd.zs@srgssr.ch

Design, realisaziun
HEUSSERBISCHOFF AG, Zürich
heusserbischoff.ch

Fotografias

Foto da la cuverta:
SRG.D / Mirco Rederlechner
p. 3: RTSR
p. 9: RTR

